



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus IV. De causis, quæ in judicium veniunt.

[urn:nbn:de:hbz:466:1-73001](#)

in ea; & habilitate ad novum officium obtinendum; imò & jurè optandi aliud (quorum primum habetur in c. *Pastoralis* 53. q. *verum de Appellat.* alterum c. *Pastoralis* 7. de *Cleric. excommunic.* tertium ex eod.) non tamen propterea amittit beneficium prius obtentum; nisi ab officio sit suspensus in perpetuum; quod non fuit in præsenti casu.

ARTICULUS IV.

De causis, quæ in iudicium veniunt.

65. **C**um in omni iudicio præter partes necessariæ sit Judex; non autem Judex quilibet de qualibet causa judicandi auctoritatem habeat: quæstio est de quibus causis Judex secularis, vel Ecclesiasticus, cognitionem assumere, ac exercere iudicaturam jure valeat? Et quamvis P. Thomas Sanchez l. 6. consil. moral. c. 3. dub. 8. causam *judicialem* (per quam intelligit materiam, & originem alicujus negotii, nondum patefactam discussione, & examine) recte dicat, esse duplicum, *Ecclesiasticam* (qua ad Judicem Ecclesiasticum pertinet, vel quia crimen est Ecclesiasticum, vel persona est Ecclesiastica) & alteram *seculararem*, quæ scilicet ad Judicem seculararem pertinet: adhuc tamen inexplicatum manet, & valde controversum, quæ sit materia, & negotiorum origo pertinens ad hunc, vel illum Judicem & tribunalibus Laicorum plerumque prætendentibus omnem questionem *de temporalibus*, sive sit secularium, sive Ecclesiasticarum personarum, pertinere ad suum forum. Ut igitur id amplius exponamus sit.

§. I.

An Judex secularis cognoscere, ac terminare possit causas Ecclesiasticas?

66. **S**upponendum interim, juxta Pirhing. h.t. sect. 2. q. 1. quod, loquendo generaliter, negotia, & causæ Ecclesiastice dicantur, quæcumque ad Ecclesiastas, & personas Ecclesiasticas spectant: & harum causarum aliae sint merè, ac propriè spirituales, quæ propriè spectant ad spirituale regimen Prælatorum Ecclesiæ, ut sunt causæ beneficiariae, decimales, matrimo-

niales; & universim omnes illæ, quæ vel ad Dei cultum, vel ad spiritualem animarum salutem, & à peccatis curationem spectant: aliae sint temporales, ut quæ sunt de Ecclesiasticorum dominio, contractibus, testamentis, ac similibus, & rursus aliae civiles; aliae criminales. Abb. in c. 2. h.t. n. 2. not. 3. & alii Canonicæ communiter, Gonzalez autem in c. 2. h.t. n. 3. distinguunt causas, & negotia *Ecclesiastica* in merè Ecclesiastica; in *Ecclesiastica*, & mixta. Causas verò merè Ecclesiasticas, seu spirituales, vocat causas sacramentorum; *Ecclesiasticas*, quæ tam jure canonico, quam Imperatorum sanctionibus iudicio Ecclesia sunt reservata, ut causæ Ecclesiastarum, vel personarum Ecclesiasticarum, cap. *quoniam de immunitate Ecclesie* l. 6. Trident. *seff. 24. de reformat.* c. 20. & *seff. 25. c. 3. mixtas*, quæ licet naturâ suâ sit temporalia, eorum tamen cognitione ad uitramque spectat jurisdictionem, tam seculariem, quam Ecclesiasticam contra Laicos; unde præventioni in eis locus est, ut plura adducentes de his causis tradunt *Martha de iuridict.* 2. p. c. 1. Bobadilla lib. 2. polit. c. 17. *Salas de legibus tract.* 14. q. 96. *disput. 9. sect. 5.* *Sanchez de matrim.* l. 3. *disput. 54.*

Supponendum 2. causas, & negotia *Ecclesiastica* paucis rectè posse dici ea, quæ gaudent immunitate, ac exemptione à foro Laicorum. Nam hoc ipso, quod favore Religionis, & Ecclesiarum, aliquid exemptum sit à foro seculari, necesse est, quod pertineat ad forum Ecclesiasticum per dicta sup. Quia vero ex his quædam exempta sunt *ex naturarei*, ut causæ sacramentorum; quædam jure divino positivo, quædam solum humano, ut diximus l. 1. t. 2. *de constitut.* ideo non omnia eâ vi censentur inter merè Ecclesiastica. Advertendum autem *immunitatem Ecclesiasticam* aliam esse personarum; aliam esse rerum; aliam locorum; aliam causarum; & quamlibet harum immunitatum tractati in hoc volumine decretalium. Nam de immunitate personarum agitur in c. *Clericorum*; h.t. de immunitate rerum, & locorum c. *non minus* & c. *magnopere*, de immunitate *Ecclesie* de immunitate causarum, in c. *Decernimus* 2. h.t. suppon. 3. in dicto c. *Decernimus*, generaliter statui, ne Laici *Ecclesiastica* negotia terminare præsumant Tex-

Textus sic habet: *Decernimus autem, ut laici Ecclesiastica terminare negotia non presumant; & Episcopi, Abbates, Archidiaconi, & alii Ecclesiarum Prælati, de negotiis Ecclesiasticis, vel de aliis, quæ spiritualia esse noscuntur, aliquorum laicorum judicio, non disponant; nec propter eorum prohibitionem Ecclesiasticam dimittant iustitiam exercere.*

68.

Ex hoc textu sequitur 1. causas rerum locorum, & personarum Ecclesiasticarum exemptas non posse cognosci, seu terminari a Judice Laico, seu seculari. Si enim est exempta, est eo ipso Ecclesiastica; sed causas Ecclesiasticas terminare non potest Judex laicus; ergo dixi terminare. Nam, ut recte notat Gonzalez in cit. c. *Decernimus*, n. 3. textus in vera lectura habet terminare, non judicare, ut ponit Raymundus. Nam tractare negotium, fieri potest vel ministerialiter, vel jurisdictionaliter. Tractare ministerialiter negotia Ecclesiastica possunt Laici, vel tanquam Procuratores, ut c. 1. de pactis in 6; vel ut Notarii teste Fermosino hic q. 12. vel tanquam assessores, aut consultores, ut notat Diana p. 4. tr. 4. resolut. 38. vel tanquam delegati a Papa, sed non inferiore; gloss. in cit. c. 2. V. presumant: non autem jurisdictionaliter, per clarum textum in dict. c. *Decernimus*.

69.

Dices textum in c. *Decernimus* procedere de causis merè Ecclesiasticis, seu spiritualibus; non autem aliis propter rationes in contrarium, quas referemus a n. 96. & consuetudinem, & praxim hoc aeo contraria, præsertim in causis civilibus, & concernentibus temporalitatem bonorum, quæ possidentur etiam ab Ecclesiasticis; & in his contra exemptionem juris, solum humani, dudum esse præscriptum a Tribunaliib. Laicorum. Resp. nego anteced. Nam non tantum res merè spirituales, sed etiam ipsæ Ecclesiæ, personæ Ecclesiasticæ, & quæcunque bona ad eas pertinentia excepta sunt ab omni Laicorum jurisdictione, jure non tantum Ecclesiastico, & civili, sed etiam probabilius divino; saltem tradito, & per Ecclesiam explicato, ut fuse tradidimus l. 1. a. 10. q. 7. præsertim §. 8. ubi etiam resolvimus ea, quæ in contrarium afferuntur.

70.

Sequitur 2. Episcopos, Abbates, Archidiaconos, aliosque Prælatos Ecclesiasticos

(quo nomine propriè veniunt, qui jurisdictionem ordinariam habent, juxta gloss. fin. in c. *Decernimus*, & Abbas ibid. n. 16.) non debere de negotiis Ecclesiasticis, præsertim spiritualibus disponere secundum judicium Laicorum; nec intermittere exercitum Ecclesiastice jurisdictionis per eorundem prohibitionem, vel oppositionem, ut definitur in cit. c. 2. supr. n. 67. Per hoc tamen non negatur, quod laici possint tractare negotia, & causas temporales Ecclesiarum, & personarum Ecclesiasticarum ministerialiter, ut diximus n. 68. quin illis super ipsos Clericos præminentia, gubernatio, vel potestas conferatur; ita Sylvester V. *Laicus* q. 1. Abbas in c. 10. h. t. n. 10.

Sequitur 3. quod Judex Laicus auctoritate propriâ, & tanquam Judex Ordinarius, non possit cognoscere causas judiciales Clericorum merè civiles, quando illæ cause versantur inter Clericos, vel contra Clericos, aut Ecclesiæ c. 2. hic: potest tamen id ex commissione, seu delegatione Episcopi, vel alterius Prælati Ecclesiastici; quia Judex delegatus non utitur suâ, sed auctoritate delegantis L. 1. §. 1. ff. de officio ejus, cui mand. est jurisdiction. quod tamen non procedit de Universitate causarum; hæc enim ei delegari non potest; cum æquipatetur ordinaria: Felinus in c. 2. cit. n. 1. Excipe tamen causas feudales. Nam has cognoſcat dominus directus, esto Clericus sit ejus Vasallus, & ille Laicus, c. ceterum. De Judiciis. Excipe 2. nisi bona quæ habent, cum eo onere transiverint ad Clericos, vel Ecclesiæ, ut maneat sub eodem foto, sub quo prius erant. Molin. tr. 5. d. 6. n. 6. Gail. l. 1. observ. 30. n. 1. Layman in c. 5. de Judic. a n. 2. Excipe 3. nisi principaliter agatur contra Laicum in causa evictionis rei emptæ a Clerico, cuius hic esse debet defensor necessarius, tanquam venditor. L. Venditor 49. ff. de Judic. cum gloss. V. Judicis. Excipe 4. nisi Clericus alieno nomine conveniat ratione officii. v. g. Tutoris &c. Pirhing. de foro compet. n. 91. q. Præterea. Excipe 5. nisi Clericus Laicum conveniat coram Judice seculari, & reconveniatur in causa civili cotam eodem Gail. cit. observ. 37. n. 6. Sed an huic exceptioni locus sit? Dicemus infra tit. 4. de mutuis petition.

§. II.

An. Iudex Laicus auctoritate propriâ, possit cognoscere directe de jure Patronatus?

72. **R**esp. negativè, ex c. quæsto 3. h. t. ubi Alex. III. Regi Anglorum scribens, quæsto, inquit, te divina gratia, summa- quæ providentia majoris gratiæ privilegio decoravit, tantò viros religiosos majori debes charitate diligere, & in justitiis suis manutenere propensiùs, & favore, ut legitur in toto textu apud Gonzalez. Nam, ut habet textus. *Causa patronatûs Ecclesiasticûm ita juncta sunt, & connexa Ecclesiasticis causis, quod non nisi Ecclesiastico iudicio valeant definiri, & apud judicem Ecclesiasticum solummodo terminari: cui contonat Clementina dispensiosam, eod. in quantum scilicet inhibet dispensiosam prorogationem litium ex subtili ordinis iudicarii observatione satis frequenti apud Judices Laicos.* Nec obstat ratio contrariae opponentium, jus patronatus, quomodounque consideratur, esse tempora- le. Nam si dotationem, aut Ecclesiæ constructionem attendamus; ipse temporales res sunt: si jus ipsum, quod Patronus consequitur, videlicet jus honoris in processione, alimentorum, & presentandi; etiam temporalia esse quis ambigit? Quare laici, qui spiritualia possidere, & obtinere non possunt, cap. *Messana*, capit. *sacra- sancta*, de elect. cap. *cansam*, de prescript. jus patronatus possidere valent, sive jure hereditario, sive alio. cap. 1. & 2. de jure patron. Clement. *si plures*, eod. titul. sive prescriptione, ut docet Barbosa 1. parte de prescript. 1. princip. question. 9. Covar. in regul. *possessor*, 2. part. §. 10. Igitur, si omni respectu jus patronatus tempore est, & à laicis possidetur, ejus causæ cognitione ad Judicem laicum, non verò Ecclesiasticum spectat. Augetur hæc difficultas ex cap. significavit 41. de testibus, ubi Sabiniensis Magistratus cognoscit de jure patronatus. Igitur non recte asserimus ejus causæ cognitionem ad laicum spectare non posse.

Hæc, inquam, ratio non obstat. Nam Laicus possidet jus Patronatus solum ex gratia, & beneficio Ecclesiæ, nimirum protestate, in qua eos haec tenus Ecclesia susti-

nit, ut dicitur. c. quæsto, cit. pro cuius explicacione notandum, olim constiuenti, vel dotanti Ecclesiam nullum jus inde con- sequens fuisse; totumque jus instituendi Prelatos, & alia, ratione Ecclesiæ compe- tentia retinuisse Episcopum proprium, qui eam consecrabat; constat ex 16. q. 7. c. omnes 10. ibi: *omnes basilicae, quæ per di- versæ loca constructæ sunt, vel quotidie construuntur, placuit secundum priorum Canonum Regulam, ut in ejus Episcopi po- testate consistant, in cuius territorio postea sunt.* Quia vero ex hoc fiebat, quod Lai- ci minus prompte vel zdiscarent, vel do- tarent Ecclesias; intuitu majoris boni sta- tuerunt; ut illis in ejusmodi Ecclesias jus patronatus concederetur.

Hinc factum, quod Galafius Papa illis 1. concesserit honorem in processionibus, ut habetur 16. q. 7. c. pia mentis 26. ubi scri- bens ad Senacionem Episcopum, pia men- sis, inquit, complectenda est devotio, quæ se Julius nobis in re Julianæ, sui juris funda- se perhibetur Ecclesiam, quam in hono- rem S. Viti confessoris, ejus nomine, cupit consecrari. Hanc igitur frater charissi- me, si ad tuam diæcesim pertinere non ambigis; ex more convenit dedicari, collata primitus donatione solenni, quam mi- nistris Ecclesiæ destinasse se præfati muni- tri testatur oblator, sciturus sine dubio, præ- ter processiones, aditum, qui omni Chri- stiano debetur, nihil ibidem se proprii ju- ris habiturum. id, quod etiam habetur c. immediate sequenti.

Sub hoc Patres Concilii Toletani IV. ut refertur 16. q. 7. c. quicunque 30. conces- ferunt, ut Patrono egeno alimenta præsta- rentur; ac tandem etiam jus presentandi, ut habetur ead. causa, & question. c. De- cernimus; id quod deinde confirmatum est in c. *Nobis de jure Patronatûs*; & Trident. sess. 25. de reform. c. 9. ibi: *sicut legitima patronatum jura tollere, piusque fidelium voluntates in eorum institutione violare aequum non est: sic etiam*, ut hoc colore beneficia Ecclesiastica in servitu- tem, quod à multis impudenter fit, redi- gantur, non est permittendum. Ut igitur debita in omnibus ratio observetur, decer- nit Sancta Synodus; ut titulus juris patronatus sit ex fundatione, vel dotatione, qui ex authentico documento, & aliis jure re- quisitis ostendatur. Ex his clarè constat jus

jus Patronatū esse merum beneficium, & gratiam ab Ecclesia fundantibus, & difificantibus, vel dotantibus Ecclesiam concensem.

75. Not. 2. in questione, an *jus patronatū sit spirituale, vel temporale?* esse naturā luā *spirituale* affirmārit à Joc. Andrea, Abbat, Siculo, Suarez l. 4. de Relig. c. 28. n. 7. & alius apud Gonzalez in c. quanto 3. h. s. n. 8. Felinus autem, Panormitanus, & complures alii cum communi sentent. Theol. & D. Thoma. 2. 2. q. 100. a. 4. probabilitus volunt esse *connexum spiritualibus*, id, quod etiam dicemus suo loco de jure patronatū; cuius ratio est, quia licet in se sit aliquid temporale, supponit tamen principium spirituale, (nempe jurisdictionem Ecclesiasticam) cuius beneficio conceditur, ut dictum est; & tendit ad finem spiritualem, nimirum, ut elegantur, ac presententur ministri Ecclesiastici, qui spirituale ministerium, & divina officia in Ecclesia peragant. Unde ait D. Thomas, *antecedenter esse annexum spiritualibus*, sicut vasa, & ornamenta; quæ, quia preparatoria sunt, sacra dicuntur, cap. *Vasa*, cap. *Vestimenta, de consecratione, distinctione* 1. sic *jus patronatū* dicitur *spiritualibus annexum*, quia preparat ad actiones spirituales, quamvis relatae ad causam, ex qua descendit, dici possit *connexum consequenter*; quibus positis:

76. Resp. ad arguta. in n. 72. *jus patronatū in se quidem esse aliquid temporale; sed non merē*, cum *connexivē sit spirituale*, ut dictum est. Laicis autem nulla potestas est disponendi de *spiritualibus*, non solum talibus per naturam, sed etiam per annexionem ex n. 66. præsertim cum *jus patronatū* sit Ecclesiæ Beneficium, & prævilegium; in similibus autem pertineat causa cognitio ad concedentem. Unde, speciale est, Ecclesiæ solius gratia, quod à Laicis possideri possit, ac in 'eo transire eum universitate rerum, quibus annexatur, ad c. *significavit*. 41. de testib. Resp. dictum capitulum non loqui de magistratu laico, sed Judice Sabinæ, seu Sabinensi, qui erat Ecclesiasticus, ut notat Gonzalez in cit. c. 41. n. 1. ex *historia Sabinensi*, ubi habetur, Episcopum Sabinensem, qui communiter est S. R. E. Cardinalis, & plerumque in urbe habitat, eoque tempore, quo Innocentius II. scripsit di-
- 77.
- ctum canonem in c. 41. ad Judicem, Sabinæ Vicarium, *non laicum*, sed Ecclesiasticum. Hinc etiam respondeatur ad textus in c. *examinata*, de confirm. util. c. 1. *de jure patron.* c. cùm Bertholdus, de re judicat. c. 7. & 13. *de jure patron.* ibi non agi de jurisdictione competente in causis juris patronatū, sed potius de modis illud consequendi; v. g. an fundum iure dederit &c.
- Quod autem adducitur ex c. *filiis*, vel *nepotibus*, 16. q. 7. ubi, cùm agitur de jure patronatū, dicitur: *Regis hac auribus intimare non differant*; ex quo aliqui deducunt, laicos posse causas juris patronatus terminare, non probat intentum. Tametsi enim aliqui velint, non principaliter ejusmodi causam posse deferri ad Regem, sed solum propter omissionem, vel vim Judicis Ecclesiastici, ut notat Gonzalez in cit. c. 3. h. s. n. 3. & videtur colligi ex textu c. *filiis* ibi: si autem *Metropolitanus talia gerat* (nimirum impedit, ne filii, & nepotes decenter commoneant, si præviderint, sacerdotem, seu ministrum aliquid ex oblatis rebus defraudare) Regis hæc auribus *intimare non differant*: rectius tamen dicitur, in tali casu id solum continere ex delegatione Pontificia; non autem jure regio; cùm textui in c. *filiis*, qui solum est Concilii Toletani IX. clare opponatur decisio recentior in c. *quanto*. 3. h. 2. quæ utique prævalet juri antiquo.
- His addi possunt, quæ tradit Layman 78.
- in cit. c. *quanto* dicens: ex eo rectè deduci, causam juris patronatus per se pertinente propriè ad tribunal Ecclesiasticum (cùm saltem connexivē sit spirituale, tanquam ordinatum ad spiritualem beneficii collationem, & à Laicis possideatur solum ex gratia Ecclesiæ, nec sit ita laicis concessum, seu ab Ecclesia in laicos translatum, quò minus adhuc ejus dispositioni subjeceat) per accidens tamen, & consequenter, seu indirectè etiam Judicem secularem posse de illo cognoscere. 1. Si vendite cum omnibus juribus castro, cui annexum est *jus patronatus*, sententiam ferat, ut professor emptori tradat castrum cum omnibus juribus, & patronatu. 2. Si Princeps aliquem, ob crimen perduellionis, condemnaret, ac bonis omnibus exuat in pœnam delicti: tali enim casu etiam indirectè Reus exuitur jure patronatus, si annexum sit bonis

bonis confiscatis; qualiter nimurum etiam indirecte vendi, & emi potest cum universitate honorum, c. ex literis, de jure Patronatus.

Q. III.

An Iudex Laicus possit cognoscere de jure sepulchri?

79. **Q**uestio fieri potest, sive agatur actione reali (ut, si queratur, an alicui ius sacrae sepulturae competat in tali loco Ecclesiae, vel cemeterii?) vel personali, puta, si Titius Caio promisit, quod ipse, ac haeredes majorum suorum tumulari possint. Ad 1. respondet Layman l. 4. moral. tr. 9. c. 2. n. 9. §. sexto notandum, quando de jure sepulturae agitur judicio petitorio, seu causam proprietatis, neminem Catholicorum negare, solius Judicis Ecclesiastici esse, cognoscere, ac judicare; per c. 2. h. 2. de Jud. c. 3. cod. cum ius sepulturae sacrae fundetur in potestate Ecclesiae spirituali; c. causam 2. Qui filii sunt legitimi.

80. Si autem jure possessorio, controversia est inter Juristas. Nam Selva p. 1. de beneficiis q. 7. n. 12. Petr. Greg. Tolos. de benefic. c. 40. n. 10. & alii apud Covarruviam in pract. qq. c. 35. Nicol. Garciam, p. 1. de beneficiis c. 2. n. 50. existimant, laicum etiam Judicem in causa possessionis v. g. beneficii, adipiscenda, retinenda, aut recuperanda, competentem esse. Probant ex doctrina gloss. in c. literas, de juro caluniae; dicentis: possessionem rei spiritualis, non spiritualem, sed temporalem esse; quia non in jure, sed in mero facto consistit; quod neque in l. naturaliter Q. 1. de acquirenda poss. dicatur, quod proprietas nihil commune habet cum possessione.

81. Sed contrarium probabilius est, ut docet Covarr. in practic. qq. c. 35. Gutierrez l. 1. Canonic. qq. c. 34. n. 22. Garcia p. 1. de benefic. c. 2. n. 5. Azor. p. 1. l. 5. c. 14. q. 1. & alii. pro quo supponendum, Laicum incapacem esse proprietatis juris spiritualis, consequenter etiam possessionis, ut deciditur c. Causam, 7. de praescript. ibi: cum Laici decimas detinere non possint, eas nulla valeant prescribere ratione; intellige seclusam concessione Ecclesiae, ex quo textu sequitur, ius spirituale nec praescri-

ptione accipi posse a Laicis, cum illud nequeant possidere, sine quo non procedit præscriptio; quod accipe de possessione civili, & juridica; quamvis quandoque laici, facto solum, occupent, & detineant; sed injuste. Hinc Gregorius VII. in CC. Lateran. relatus in c. 16. q. 1. Decimas, 1. ibi: Decimas, quas in usum pietatis concessas esse, Canonica auctoritas demonstrat, a laicis possideri Apostolicâ auctoritate prohibemus. Sive enim ab Episcopis, vel Regibus, vel quibuslibet personis eas accepterint, nisi Ecclesiae reddiderint, sciant se sacrilegii crimen committere, & eterna damnationis periculum incurvare.

Suppon. 2. causam proprietatis, sicut & possessionis circa spiritualia ad solum Judicem Ecclesiasticum pertinere. Nam, ne ait Gregorius Pontifex, scribens Ducis Siciliæ (ut habetur c. 1. de causa poss. legali provisio decretum est, tam momenti, quam proprietatis causam, sub uno eodem que debete cognosci, & c. nulli, 10. de Judiciis, ubi habetur, quod causa continet, seu causa plures partes, vel questiones in se continens, dividi non debet; & propniendum esse, qui alium deinde super proprietatis questione judicem postulabit. Ratio reddi debet, ut causa citius expediatur; nam, qui de possessione cognovit, facilius proprietatis causam definiet. Quibus positis.

Probatur responsio: ejusdem judicis est cognoscere, ac judicare in judicio possessorio, & petitorio; ergo, qui nequit cognoscere super petitorio, seu proprietate juris spiritualis; nequit etiam super possessorio, seu possessione ejus ex n. precedent. Sed Iudex Ecclesiasticus nequit cognoscere super petitorio, seu proprietate juris spiritualis ex n. 79. ergo nec super possessorio, seu possessione juris spiritualis; ius autem sepulturae sacrae, est ius spirituale, competens nimurum iuri solum Ecclesiastico, cuius beneficio, & concessione a laicis possidetur; ergo. Confirmatur, Iudex laicus non potest judicare de jure, cuius nec quoad proprietatem, nec quoad possessionem capaces sunt Laici, seclusa indulgentia Prælati Ecclesiastici; sic enim numerari nequit inter mere temporalia; ad quae solum extendit securis jurisdictionis laica; sed laici juris spiritualis nec quoad proprietatem, nec quoad possessionem capaces sunt seclusi.

clusā indulgentiā Prælati Ecclesiastici, ex n. cit. ergo

82. Ad rationes contrarias ex Gloss. in c. literas, de juramento calumniae. Resp. i. possessionem juris spiritualis posse dici temporalem in se; non autem connexivit, ut probatum est; ex hoc autem non sequitur, eam caderet sub judicium laicorum, ex n. præced. ex eo autem, quod consistat in merito factō, non probatur intentum; cum aliud sit factum, quod tendit ad accipendum jus possessionis, cuius quis capax est; aliud, quod tendit ad jus possessionis, cuius quis incapax est; unde, cum possessione facti tendit ad possessionem juris spiritualis (quoniam hujus incapaces sunt Laici ex n. cit.) nequit super eo Judex laicus cognoscere vel in personā, vel possessori propter rationes à n. 31. Et quamvis verum sit, proprietatem nihil communem habere cum possessione (quod ad acquisitionem) cum separari possint, ut ex lectionat; secūs tamen est quod cause cognitionem ex n. 31. cuius uiterior ratio est; quia cum super privilegiis sedis Apostolicae causa veritatis, volumus de ipsis per alios judicari, ut ait Innocentius III. c. Cum venissent 12. h. t. at jus Patronatus, ratione fundationis, & dotationis, Laicis concessum in Ecclesiis, & Capellis (aut in quovis alio iure spirituali habendo, vel retinendo) est gratia, & privilegium illi concessum ab Ecclesia, ut dictum est supra, & tenet Jo. Bapt. de Luca tom. 3. de iurisdict. p. 1. de preeminentiis, discurſu 12. n. 6. ergo.

83. Dixi, cognitionem cause de possessione juris, seu juridica, circa rem spiritualem, quæ consistit in factō, tendente ad acquisitionem, retentionem, vel recuperationem juris spiritualis, esse solius Judicis Ecclesiastici; nam si sit mera possessio facti, non autem possessio juris, complures tenent esse causam mixti fori, puta, si Laicus Clericum vel deturbaret de possessione beneficii, deciminarum Clericalium &c. quod quidem recte dicitur, si non misceatur quæstio de possessione juris, vel proprietate circa jus spirituale. Nam si laicus conventus super solutione decimatarum allegaret esse Laicales, non Clericales, tangeretur ipsa proprietas, seu jus spirituale decimatarum, consequenter non ad laicum, sed ad Ecclesiasticum Judicem pertineret.

84. Ex hoc sequitur, si quæstio sit meri facti
Tom. II.

(v. g. si Laicus injuste recusatet solvere decimas, vel cum injuria personali impeditret Clericum ab usu juris patronatus, funeris, & similiū) super hoc posse illum etiam apud Judicem secularē conveniri; quia is non est judicaturus de jure, sed solo facto, seu injuria illata, qualiter fieret, si Laicus calicem consecratum abstulit, si personam Ecclesiasticam violavit, vel Ecclesiā invasit; sic Abbas in c. literas, de juramento calumniae, n. 8. Gutierrez cit. c. 23. n. 42. Rebuffus tract. de decimis q. 10. n. 3. & alii; ubi tamen nota, nos loqui de quæstione meri facti, juxta dicta. Et hinc patet responsio ad 2. partem quæst. in n. 80. Sequitur 2. vitiosam esse consuetudinem Judicium laicorum, qui ortā controversyā inter laicum, & Clericum de decimis, (*an sint Laicales, vel Clericales*) cognoscunt de possessione Laici, dicentes esse meri facti, eamque laico contra Ecclesiasticos, si deprehendant, immemoriam esse, adjudicant. i. quia tali casu quæstio principalis est de proprietate; cum ergo hæc pertineat ad judicem Ecclesiasticum, ex n. 31. etiam ad eundem pertinet causa possessionis, per n. cit. Deinde Laici decimas possidere non possunt absque titulo, seu legitimā concessione: intellige juridicē, & utiliter ad praescribendum per expressum textū in c. Causam, relato supr. n. 81. ergo ad eum Judicem spectat, judicare de possessione, ad quem de titulo, seu legitimā concessione; at hoc pertinet ad Judicem Ecclesiasticum, ut docet Abbas in c. Quanto 3. h. t. n. 11.

Dices: minorem esse veram, quando titulus est spiritualis; non autem temporalis. Sed notandum, responsionem Pontificis in c. causam (quod Laicus decimas non possit possidere possessione nimis titulo juridicā, & utili ad praescribendum) non fuisse datam de jure decimatum, quatenus spirituale est, seu in spirituali titulo fundatum: siquidem tale jus laicus ille sibi haud arrogaverat: consequenter intelligi debet de jure decimandi, quatenus à spirituali titulo separatum tempore quiddam esse potest, laicum tale jus possidere non posse; intellige hoc, proprio veluti motu, & facultate: Quamvis possidere possit decimas separatas à titulo spirituali per legitimam Ecclesiastici Prælati concessionem.

Not. 2. aliquas res esse, quarum possessio
D invol-

involvit titulum proprietatis, id est, quæ propter legum, aut Sacrorum canonum dispositionem possideri juridicè non possunt, nisi sub sit titulus, seu jus habendi, ac detinendi: sic, liberum hominem possidente non possumus, L. qui universos, 30. q. possessionem. ff. de acquir. possessione: sed cum titulo, quo in servitutem redactus sit, homo possideri potest: Ita etiam se habent omnia spiritualia, ut à laicis possideri non possint, sine titulo privilegii, seu concessio-
nis legitimè factæ à Prelato Ecclesiastico, per quam laicus capax possessionis reddatur. Et ita de decimatum jure, quod & ipsum suapte naturâ spirituale est, tradit
Gl. recepta in c. ex parte 14. vers. commo-
do deſtituta, ibid. de reſtitut. ſpoliatorum.
Abbas Panorm. in c. in literis n. 24. cod.
tit. ubi etiam habet. Quod laicus non pot-
est petere reſtitutionem decimarum, & al-
iarum rerum spiritualium, tanquam spo-
liatus sit, niſi prober titulum: quia ſinē eo
non potest illud jus possidere.

87. Ex his colligitur, quod poffeffio juris cir-
carem spiritualem, ut legitima fit, requi-
rat titulum proprietatis, seu jus habendi, ac
detinendi, ejusmodi rem spiritualem; hoc
autem quoad rem spiritualem laicus habe-
re non potest, niſi Ecclesia confeſſione;
ergo niſi prius doceat de tali titulo, non te-
net illius juridica poffeffio: de jure autem
proprietatis, seu titulo ab Ecclesia confeſſo
habendi, ac detinendi rem spiritualem, co-
gnoscere, ac judicare pertinet ad ſolum Ju-
dicem Ecclesiasticum ex n. 81. ex quo tan-
dem fit, jus spirituale praescribi non poſſe à
laicis, cum illud poffidere non poſſint ſine
conſenſu Eccleſiæ, poffeffione juridicâ ut,
dictum eſt. Unde quando dicitur: quid-
quid Principis privilegio acquiri potest,
poſſe quoque obtineri conſuetudine, vel poſ-
ſeffione immemoriali, procedit ſolū in illis
rebus, quas quis capax eſt poffidere juridi-
cè, etiam ſine privilegio, seu legitima con-
ſuetudine; non autem, ſi leges ejusmodi
poffeffionem impediunt, nulla bona fides,
vel poffeffio temporis, etiam immemoria-
lis, ferre potest, ut detur poffeffio juris, juſto
nimirum titulo. Nam ubi lex impedit u-
ſuaptionem, bona fides poffidenti nihil pro-
deſt per L. 24. ff. de Uſu cap.

88. Quæres an, quando Clericus convenit
Laicum coram Juſice ſeculari, petendo a-
liquid ab ipſo; & laicus, ut ſe defendat, re-

convenit Clericum in ead. cauſa, talis Juſex
poſſit cognoscere, ac judicare etiam de cau-
ſa reconventionis? Ad hanc quæſtionem
repondeat Sanchez l. 6. Consil. moral. c. 1. d.
1. certum eſſe, quid non poſſit renunciari,
consequenter ab eo juſice judicari, 1. ſi
cauſa eſt ſpiritualis, vel ei annexa; ex n. 66.
Deinde, ſi eſt temporalis, & criminalis, ſed
criminaliter intentata, ad corporale ſuppli-
cium, de quo infrā à n. 93, ſi autem materia
foret civilis, negativam tenent Panorm. in
c. at ſi Clerici, de Judic. n. 22. & plures alii
apud Sanchez cit. n. 2. qui tamen contrari-
am ſententiam vocat communem, & ve-
ram; ſed de hoc dicemus in tit. 4. de mu-
tuis petitionibus, à n. 532.

Cæterum, ſi cauſa merè temporalis age-
retur merè civiliter, ex auctoritate, vel dele-
gatione Epifcopi, laicus in ea poſtjudicare
Clericum; Epifcopus enim ejusmodi cauſas
delegare poſt Laico; non autem criminali-
es, aut ſpirituelles, ex c. ſignificati. 18. de foro
compet. ubi dicitur, quod quanquam laici
poſſint jurisdictionem non ſui Judicis pro-
rogare, Clerici tamen non poſſint, niſi forte
ſit persona Ecclesiastica, & Epifcopi diocē-
ſani conſenſus accedat; nam hoc cauſa Juſex
laicus ageret non jure ſuo, ſed Ecclesiastico
delegantis Epifcopi, ad quem in hoc cauſa
etiam fieri deberet (ſi quā opus foret) appella-
tio. Delegatus enim nihil habet jure pro-
prio. L. 1. ff. de offic. ejus, cui mandat. eſt ju-
ſisdict. quia verò in protogatione jurisdictionis ad Clericum reconveniendum cor-
am Juſice ſeculari, is ageret jure proprio,
et ſi eſſet appellandum, id fieri deberet ad
Superiorem Juſicis laici, non poſt coram
Juſice laico reconveniri Clericus cum con-
ſenſu ſui Epifcopi, ſic gloss. & Panormit. in
c. 2. de Judic. n. 5. Ex hoc etiam repondeatur
ad eam quæſtionem, an Clericus in ſacris,
& à Laico institutus heres, ratione hujs
hereditatis vocari poſſet ad judicium fori ſe-
cularis? Nam lite jam cæptâ vivo adhuc te-
ſtatore, affirmandum judicat Sanchez cit.
dubio 2. ſecūs nondum ex p. Clerici enim
a foro ſeculari etiā ratione terum non modū
Ecclesiasticarū, ſed etiam aliarum ad ipſos
ſpectantū ſic exempti ſunt a foro ſeculati,
ut in eodem nec licet, nec validè conveni-
ti poſſint, ex n. 66. Et ratio ulteriore eſt, quia
licet, ſi laicus fuisset heres, ratione hereditatis
illius conveniri potuiffet in judicio
ſeculari; ſecūs tamen, ſi ſit Clericus; is
enim

enim propter privilegium fori ab eo exemptus est.

91, Dixi num. 89. ex *authoritate, vel delegatione Episcopi*, Laicos posse judicare de causis civilibus Clericorum; non autem iure proprio; *Judex* enim ordinarius esse non potest, nisi ex officio proprio habeat superioritatem, & potestatem in alios; Laici autem respectu Ecclesiarum, personarum Ecclesiasticarum, ac in earum bona etiam temporalia id non habent, ex officio, & jure suo. Laici enim non praesesse, sed potius subesse debent Ecclesiasticis personis, quorum dignitas major, & altior est, per c. *Duo sunt. 10. dist. 96.* dixi *jure suo*; nam aliud est, ut jam prænotavimus, *jure delegato Episcopi*; excipe tamen primò causas feudales in materia feudali, ex c. *Ceterum 5. b. t.* ubi dicitur, si Ecclesia aliqua, v. g. Monasterium, quibusdam prædia concessit in feudum, & inter vasallos controversia oriatur circa feudum, tum ordinarius *Judex*, v. g. *Episcopus*, se immiscere non potest, sed quæstio illa feudal is coram domino feudi, qui in casu nostro est Abbas, agitari debet, dummodo actor ibi justitiam consequi possit, alioquin Ordinarius loci adiri poterit.

92, Ex hoc coll. 1. domino feudi competere jurisdictionem ordinariam (utpote concessam à lege) si inter Vasallos ejus controversia oritur, *concernens feendum*, ab ipso acceptum; ad hoc tamen requiri duo, nimirum 1. ut controversia sit super jure feudali, decidenda ex legibus feudorum. 2. ut uterque se agnoscat Vasallum ejus; nam si non Vasallus cum Vasallo litiget (& dominus feudi sit diversus ab ordinario) ad hunc recurri debet, ut colligitur ex l. 2. *feudor. tit. 27. de pace petenda* §. si duo, & si Vasallus litiget cum ipso domino feudi, cognoscere debent pares Curiæ per cit. l. 2. *Constitut. Imperiale*; & præterea, de prohib. feudi alienat. per Frideric. Colliges 2. si justitia apud dominum feudi obtineri non possit, accedi posse ad ordinarium *Judicem rei conventi*, ut dicitur c. *Ceterum, in priori num.* Nam universim loquendo, jurisdictione per specialem legem, vel præscriptionem competens inferiori judici devolvitur ad superiorem inferioris, si hic per negligentiam, vel malitiam nolit justitiam ministrare.

Tom. II.

§. IV.

An secularis possit esse *Judex ordinarius* in causis criminalibus Clericorum?

93, **A**nnte resolutionem notandum, quod *Judex* in tota sua latitudine comprehendat omnes ius dicentes, cuiuscunquam dignitatis sint, ut *Præfides Proconsules, Rectores provinciarum & alios similes*. Dicitur enim *Judex* (ut ait Sylv. V. eod.) quasi *ius dicens populo*; sive, quod jure disceptet, id est justè judicet. cap. *forus §. in omni, de verb. sign.* Unde *Judex* est is, qui jure potest justum cuique decernere, & reddere. Ut *Judicium* scrutemur multiplicatam, *Judex* in genere est triplex, quamvis sub tribus speciebus, seu membris variis contineat. Nam *Judex* quidam est ordinarius, quidam extraordinarius. *Ordinarius* est, qui potestate ordinaria præficitur à Principe alicui collegio, vel universitati ad universitatem causarum. *Extraordinarius*, qui habens potestatem delegatam non præficitur alicui universitati, vel collegio, & est duplex, alter habens jurisdictionem ex partium voluntate, & dicitur *arbiter*, alio nomine *compromissarius*; alter ex commissione superioris, ut *delegatus*, ad certam causam, vel *subdelegatus*, cui nempe *delegatus* potestatem subdelegavit.

94, Not. 2. dupliciter in iudicio agi posse do alicujus criminis, civiliter, & criminaliter, ut pluribus à nobis exponitur l. 5. *decret. tit. 1.* & obseruat Pereyra in *Elucidario l. 1. elucidat. 8. num. marginali 173. dicens*: est alius quoquā modus, quo in iudicio *circa crimen* dicitur agi criminaliter, & agi civiliter. Et quantum colligitur ex Molin. tom. 4. *disp. 46. n. 14. agi criminaliter* dicitur, quando agitur de infligenda pœna delinquenti, ne crimen maneat impunitum: *agi civiliter* dicitur quando agitur de applicanda pœna parti, & potius intenditur compensatio injuriæ, quam punitio criminis. Quod declarat Sanch. l. 7. *Matr. disp. 46. n. 22.* Tunc agitur *criminaliter*, cum petitur vindicta: *civiliter*, cum petitur restitutio damini illati.

Quæstio igitur in præsens est, an, Secularis possit esse *Judex ordinarius* in causis criminalibus Clericorum, jure nimirum

D 2

suo,

suo, & proprio, sive civiliter, sive criminaliter in judicio agatur circa crimen aliquod eorum? de hoc agitur in c. Clerici 8. h. t. ubi Lucius III. ad Archiepiscopum Singtonensem ita rescribit: *cum Imperator dicat, quod etiam leges eorum non dignantur sacros canones imitari, in quibus generaliter traditur, ut de omni crimen Clericus debeat coram Ecclesiastico judice conveniri, nec debeat in hac parte canonibus ex aliqua consuetudine prejudicium generari;* Clerici, maximè in criminalibus, in nullo casu possunt ab alio, quam Ecclesiastico judice condemnari; et si consuetudo regia habeat, ut fures à judicibus secularibus iudicentur? Idem pluribus locis statuitur, i. i. q. 1. de omni causa sive civili, sive criminali. c. i. ibi: *nemo unquam Episcopum ad Judicem secularis, aut alias clericos accusare presumat.* c. nullus, ubi Bonifacius ad Episcopos Galliarum, nullus, inquit, Episcopus nequè pro civili, nequè pro criminali causa apud quemvis Judicem, sive civilem, sive militarem producatur, vel exhibeat. *Magistratus enim qui hoc iubere ausus fuerit, amissionis cinguli condemnatione plectetur.* c. si quis, Sylvester in epilogi Concilii Romani, si quis, ait, accusans Clericum in Curiam introierit, anathema sit. Unde in Concilio Carthaginensi 8. statutum est, ut quicunque ab Imperatore cognitionem publicorum Judiciorum petierit, honore proprio privetur; si autem Episcopale judicium ab Imperatore postulaverit, nihil ei ob sit. Cui accedit constitutio Piissimi Imperatoris Constantini, quæ, ut refertur c. Continuā 5. i. i. q. 1. Continuā, inquit, lege sancimus, ut nullus Episcoporum, velerum, qui Ecclesia necessitatibus serviunt, ad judicia sive ordinariorum, sive extraordinariorum judicium pertrahatur. Habent illi suos Judices, nec quidquam his, publicis est communem legibus. Idem Constantinus Imperator presidens in Sancta Synodo, quæ apud Nicæam congregata erat, cum querelam quorundam Clericorum conspicaret coram se delatam, ait; *vos à nemine iudicari potestis, quia ad Dei solius judicium reservamini.* Plura de his V. l. 1. decret. tit. 2. a. n. 616.

96. Dices: sive priora, aut sequentia Ecclesiae secula percurramus, in yeniemus clericos in causis, præfertim criminalibus,

coram secularibus Judicibus, non vero coram Ecclesiasticis fuisse accusatos. Divus enim Paulus ad Gallionem Proconsulem Achaicæ (qui Senecæ frater erat) cùm deductus esset, & accusatus, Proconsul respondit: *si scelus aliquod, aut crimen pœnâ dignum commisisti, ego illum puniam, & coercebo;* Actuum Apostol. cap. 18. Cyrius Carthaginensis Episcopus accusatus à Donatistis, damnatus ab Areacensi Episcopo, absolutus fuit ab Imperatore Constantino; Cyrus Præsul Hierosolymitanus, absens damnatus à Synodo, appellavit ad Imperatorem, tanquam ad majus tribunal; de quibus videri potest Gonzalez in cit. c. 8. h. t. 4. n. 3.

Confirmatur 1. quia, quod adducitur in cit. c. 8. Imperatorem dicere, *Clericos de omni crimine debere apud Judicem Ecclesiasticum conveniri.* Justinianus Imperator (ut patet ex Novella 83. & cavetur etiam in Authent. Clericus, de Episcop. & Cleric.) intelligit in omni delicto Ecclesiastico. 2. quia exemptio Clericorum à jurisdictione seculari solùm provenit à jure positivo, ex concessione Ecclesie, ut probant Menochius de recuperi remedio 15. n. 210. Duarenus de Sacris Ecclesie Ministris lib. 1. c. 2. Bellarm. lib. 1. de Clericis, c. 25. Salas de Legibus tract. 14. disput. 14. Sect. i. i. num. 118. Seu Imperatorum, ut vult Arniseus de exempt. Cleric. cap. 3. sed ne mo ambigit consuetudinem legitimè præscriptam juri positivo derogare posse. 1. diuturna, l. de quibus s. de legibus, cap. final. de consuet. Igitur consuetudine introduci potest, ut Clerici etiam in causis criminalibus coram seculari Judge conveniri possint. Consuetudo enim potest jurisdictionem tribuere illam non habenti, cap. final. de offic. Archidiac. cap. irrefragabili. 13. de offic. ordin. cap. auditio, de præscript. Nam in causis criminalibus judicandis vel non, quam plurimum operatur consuetudo, cap. cùm contingat 13. de foro compet. Igitur & in Regno Hungariae consuetudine introduci poterat, ut Judices Laici cognoscerent de causis criminalibus in delictis temporalibus Clericorum.

Resp. ex eodem Gonzalez loc. cit. à n. 97. 4. fusè ostendi, à primis Ecclesie seculis tam à P. S. P. P. & summis Ecclesie Præsulibus, quam ipsis etiam seculi Principibus

bus fuisse cautum, & statutum, ne apud Judices seculares Clerici convenirentur; primam partem declarat ibidem n. 4. & alteram n. 5. Nec obstant allata exempla in num. priori. In illis enim casibus non est provocatum ad seculares Principes, ut ipsi jurisdictioniter de causa cognoscerent; sed, ut in defectu Judicis Ecclesiastici, quod maxime fiebat durantibus persecutionibus, quas inferebant alieni à fide Christi, ut adversus violentias, & injurias à suis subditis protegerent, atque defendarent, ex quo omnino indefensi, infidelibus nihil, aut parum curantibus eorum immunitatem, hanc enim opem à quolibet injuste oppresso, ac indefenso, implorare jus concedit.

98. Ad Novellam 83. respondet Suarez l. 4. in defens. fidei c. 15. n. 7. Justinianum in præjudicium Ecclesiasticæ libertatis nihil potuisse; & Novellam illam abrogatam esse per Authenticam, statuimus, c. de Episc. & Cleric. ubi Fridericus Imperator ita loquitur: statuimus, ut nullus Ecclesiasticus personam in criminali quæstione, vel civili trahere ad judicium seculare præsumat contra constitutiones imperiales, & canonicas sanctiones. Quod si actor fecerit, à suo jure cadat: judicatum non teneat: & Judex ex tunc potestate judicandi privetur. Sancimus etiam, ut si quis Clericis, vel Ecclesiasticis personis justitiam denegare præsumperit, tertio requisitus, jurisdictionem suam amittat; id, quod jam ante Imperatores Theodosius, & Valentinianus statuerunt, volentes omnia privilegia, quæ sacrosanctis Ecclesiis, confugarum, aut Clericorum, aut aliorum Ecclesiasticorum causa, legibus sunt præstita, intacta, atque illibata servari, ut dicitur in Authent. Siqua, de Episc. & Cleric.

Cæterum, cum Pontifex in hoc c. specialiter respiciat dictam Novellam, merito censemur non adversari; sed potius omnino favere illi canonice Pontificis constitutioni, ut notat Gonzalez ad c. 8. h. t. n. 9. Nam ipse Justinianus Imperator in ea Novella 83. fatetur, se dictum privilegium, de quo ibi, dedisse ad petitionem Patriarchæ Constantinopolitani. ibi: petiti sumus a Menna, Deo amabili Archiepiscopo, hujus felicissime Civitatis, & universalis Patriarcha, hoc dare privilegium. Petatio au-

tem, continebat, ut, cum tunc deficerent Judices Ecclesiastici, callentes penas à legibus civilibus pro criminibus secularibus, impositas, Judices seculares de illis cognoscerent, ne delicta manerent impunita; cui annuiens Imperator, statuit, ut si quis habeat adversus eos, (nimurum Monachos, vel Clericos) quamlibet pecuniariam causam, prius ad Deo amabilem Archiepiscopum perget, sub quo constitutus est, & interpellet eum, nec trahat ad auditoria civilia; neque à sacro cum vacare faciat ministerio; sed ex non scripto examinetur negotium sine damnis; & accipiat formam forsan etiam scriptam, & si hoc quoque partes voluerint, & poposcerint, & liberentur alterutro certamine; & hæc est prima pars illius privilegi.

Altera verò sic habet: Si vero, aut propter causæ naturam, aut propter quandam fortè difficultatem, non fuerit possibile Deo amabili Episcopo decidere negotium, tunc licentiam esse, & ad civiles judices pergere, & privilegiis omnibus custoditis, qua Reverendissimis Clericis sacra præstant constitutiones, & litigare, & examinationem fieri, & terminum imponi liti; & ita liberam fieri causam clarissimis judicibus secundum nostras constitutiones, vel leges, studentibus cum magnanimitate, & velociter lites decidere, ut non propter hujusmodi causas sacræ amoveantur obsequiis, & cum oporteat Deum placari, & decentia sacerdotibus agi, auditoris detineantur, & illis turpis, atque inhærentे tumultu litigantium animabus.

Tertia, si tamen de criminibus convenientur, si quidem civilibus, hic quidem competentes Judices; in provinciis autem, earum Praesides, sive Judices, non transcendentie lite mensium duorum spatium, ex quo litis contestatio fit, quatenus brevis imponatur cause terminus. Illud palam est, si reum esse putaverit, eum, qui, convenitur Provinciae Praeses, & penam judicaverit dignum, prius hunc spoliari à Deo amabili Episcopo sacerdotali dignitate, & ita sub legum fieri manu.

Demum quarta, si verò Ecclesiasticum sit delictum, egens castigatione Ecclesiastica, & multa, Deo amabilis Episcopus hoc discernat, nihil communicantibus clarissimis provinciæ judicibus; neque enim volumus talia negotia omnino scire civiles

*judices: cùm op̄teat talia Ecclesiastice ex-
aminari, & emendari animas delinquen-
tium per Ecclesiasticam multatam, secun-
dum sacras, & divinas regulas, quas etiam
nostræ sequi non deditantur leges. Si
verò quædam prius contestatae sunt lites,
hæ maneant in ipso Schemate, velocem
accipientes finem: omnibus quæ jam à no-
bis sancta sunt, sive super sanctissimis Ec-
clesiis, sive super Deo amabilibus Episco-
pis, sive super Clericis, sive super Mona-
chis, propriam virtutem habentibus.*

100. *Ex hoc textu clare pater, dictam Justi-
niani Novellam constitutioni Pontificiæ
in cit. c. 8. h. t. nullatenus adversari, sed
potius favere, etiam supposita distinctione
criminum in Ecclesiastica, & secularia.
Nam prima expressè statuit in causis pecu-
niariis contra Clericos motis, adeoque
civilibus, eos priùs conveniri debere con-
ram Ordinario suo, nec trahere ad audito-
riacivilia, nisi ordinarius propter notiti-
am causæ quandam difficultatem (ut insi-
nuavit Patriarcha) non foret possibile Ordinario decidere negotium; & hoc casu posse
pergi ad civiles judices, non ex obligatio-
ne, sed licentia ad Ordinarii instantiam
indulta, custoditis tamen privilegiis omnibus,
Clericis concessis à sacris constitutio-
nibus.*

101. *Vbi autem conveniuntur de criminibus,
pro quorum peenis Patriarcha tunc petivit
ab Imperatore Judices competentes, quod
laborare defectu Judicum Ecclesiastico-
rum callentium leges civiles, quæ pñam
statuunt delictis secularibus, expressè di-
stinguit Imperator, ibi: *etsi Ecclesiastica
sint, respondet, Deo amabilis Episcopus de-
cerat, nihil communicantibus clarissimis
provinciæ judicibus; nequè enim, inquit,
volumus talia negotia omnino scire civiles
judices; cum oporteat talia Ecclesiastice
(nimur secundum canones, & Eccle-
sæ jura) examinari, &c. ut retulimus n.
99. si autem secularia, petitioni annuens
ait: competentes Judices fore provinciarum
Præsides, ita tamen, ut intra duos menses
à die litis contestatae finis causæ impona-
tur. Non igitur excipit à foro Ecclesiasti-
co delicta secularia Clericorum, sed tan-
tum tamen indulget, ut ad Judices secula-
res deferri possint, prout petierat Patriar-
cha; nimur, ut ubi non sunt Judices Ec-
clesiastici, qui ejusmodi causas definire va-**

leant, de licentia coram tribunali laico
cognoscantur, custoditis tamen Clerico-
rum aliis privilegiis omnibus. Hinc

Resp. ad 1. confirmat in n. 96. negan-
dum esse, Imperatorem in ea Novella lo-
qui solùm de criminibus Ecclesiasticis Cle-
ricorum; patet enim statim ex ipso initio
illius Novellæ, ubi sine ulla distinctione
causarum, & criminum indefinite ait: *plurimas sacras scribentes leges, & de Deo
amabilibus Episcopis, & reliquo omni sa-
cerdotio, nec non de reverendissimis Mono-
chis, & nuper hoc agentes, in quibus volu-
mus reverendissimos Monachos apud solos
civitatis Episcopos, sub quibus sunt Mono-
chia, conventiones suscipere.* Nec ob-
stat, quòd in seqq. loquens de delictis asse-
rat, *pro delictis secularibus competentes fo-
re Judices, Provinciarum Præsides, non
pro Ecclesiasticis;* hoc enim non statuit in-
definitè, & tanquam legem; sed solùm
tanquam indulgentiam ad petitionem Pa-
triarchæ, propter defecatum Judicum Ec-
clesiasticorum, qui tunc, non callebant le-
ges poenales delictorum secularium; id,
quod confirmari potest ex aliis, quas sta-
tuit Justinianus; nam in Novella 79. apud
quos oporteat causas dicere Monachos, &
ascetrias, c. 1. aperte statuit, ut si quis
quamcumque habuerit causam cum perso-
nis sacris, apud civitatis illius Episcopona
interpellet; & civiles non sint penitus eis
Judices; & c. 2. mandat omnibus præfe-
ctis, hanc communem legem custodian,
& nulla eorum fiat omnino corruptio, sed
integræ ad honorem reverendissimorum
Monachorum (ex quo patet, quod expre-
sè de mulieribus dictum est, c. 1. intelli-
gendum etiam de Viris Religiosis) custo-
diantur; ac demum c. 3. sciant igitur (lo-
quens de temeritoribus hujus constitutio-
nis) ait: *qui præter hec aliquid egerint, se
quidem Judex sit, qui talem proferre sen-
tentiam præsumperit, quia ab admini-
stratione repelletur, tanquam divinitatē
contumeliam faciens, & pena 10. libra-
rum auri unā cum officio suo multabitur.*

Ad 2. confirmat in n. eod. Resp. in ea
questione, an exemptio Clericorum à se-
culari jurisdictione proveniat à jure divi-
no? an verò à jure positivo? triplicem esse
sententiam. Prima docet, provenire à
jure; pro qua citantur Roa, Alciatus, Co-
yarru; & alii apud Gonzalez in cit. c. 8. h. t.

n. 11. Altera vult provenire à jure divino, pro qua ab eodem n. 10. referuntur Gloss. in c. *si Imperator. dist. 96.* & in c. *quamquam de censibus in 6. Navarus, Jul. Clarus, Bonacina, Barbosa, l. t. juris Ecclesiast. c. 39.* ¶ 2. Lugo de Just. tom. 2. D. 36. l. 7. n. 10. Delbene de immunit. Eccles. in princip. & complures alii; & ex his quidam docuerunt immunitatem hanc à jure positivo fuisse induetam, postulante recta tatione, juri divino maxime congruente. Pereyra de manu regia i. p. cap. 3. n. 3. Castillo lib. 2. controv. c. 5. n. 29. Morla in empor. tit. 2. q. 12. & alii apud Dianam p. 1. tract. 2. resol. 1.

103. Tertia potrò cùm Gonzalez in hoc dotorum dissidio medianam viam amplectitur, & sequitur opinionem eorum, qui affirmant exemptionem Ecclesiasticam quoad spiritualia negotia à jure divino provenire; quoad causas verò criminales, & bona Clericorum à jure positivo originem trahere, licet potestas ipsa eximendi Ecclesiasticas perlohas, eorumque causas à jurisdictione seculari, jure divino titatur: ita docuerunt Victoria relect. i. de potest. Eccles. se&t. 7. Bellatminus, cap. 28. de clericis propos. Molina tom. 1. de justitia, tractat. 2. disput. 3. t. conclus. 2. Bobadilla lib. 2. polit. c. 18. n. 32. Christineus tom. 1. decision. 20. 3. Salcedo de leg. polit. lib. 1. c. 3. n. 18. Anhald. de jurisdict. c. 2. per totum: & alii. Juxta hanc distinctionem, dicendum vult hæc sententia, Clericos in causis profanis, tam civilibus, quam criminalibus, ut sunt omnia delicta in Regem, vel proximum, non ratione ministerii Ecclesiastici, sed communia cum secularibus, ut furtum, damnum injuria datum, siue contumelia, rapina, item publica falsitas, cædes, & similia: item in causis civilibus, ut contractibus, negotiisque ceteris, & vindicationibus rerum, quas non peragunt, *ut Clerici*, sed ut quælibet privata persona, non esse exemptos expresso Christi Domini, aut Apostolorum præcepto, sed secundario per consequentiam juris divini elicto, à summis pontificibus Prolati, & ab Imperatoribus, Principibusque Christianis, vel tacito consensu, vel legibus lati approbato.

104. Ex his opinionibus inter se oppositis, illam l. 1. tit. 2. de Constitut. à n. 640. amplexi sumus, quæ affirmat Ecclesias, per-

sonas Ecclesiasticas, carumque res, & bona exempta esse à jurisdictione seculari jure divino saltem tradito, & per Ecclesiam explicato, Deo sic dictante, ac precipiente; ubi etiam respondimus ad ea, quæ in contrarium afferuntur; quo supposito ad dictam confirm. 2. in n. 96. Resp. 1. N. ma. Resp. 2. transmissâ ma. saltem quoad eas actiones, ac negotia, quæ Clerici habent communia cum laicis; datâ etiam minori, prout jacet; nego conseq. imo ejus suppositum, quod consuetudo à Laiis praescribi unquam possit contra Clericorum immunitatem, (pone, etiam duntaxat jure canonico indultam) in personis, & rebus eorum; licet aliquid privilegio Ecclesiæ illis quandoque indultum sit; ratio hujus: quia, cùm ad vim consuetudinis exigatur, ut rationabilis sit. c. fin. de consuetud. & procedat de consensu, saltem legali Principis, contra cuius legem nimirum consuetudo, ut diximus l. 1. tit. 4. de consuetud. ea verò laicorum consuetudo nec habeat consensum legalem Ecclesiæ, contra cuius legem nimirum, cùm potius ubique reputetur tanquam corruptela, & bonis moribus adversa; nec unquam ad eum statum perduci possit; ut pro lege recipiatur; utpote ab ipsa non tantum Ecclesiæ, sed etiam Religiössimis Principibus secularibus rejiciatur, ut loco cit. dictum; talis consuetudo nunquam praescribi poterit; præstatim, cùm semper destituta maneat etiam tacito consensu eorum, qui ligandi sunt; cùm vi potius, & oppressione, quam studio communis boni ea jurisdictionis prorogatio in Clericos, plerumque contra mentem suorum Principum ab inferioribus tribunalibus, & Judicibus inducatur ejusmodi abusus, & perversa consuetudo.

Præter ea, quæ contra dicta resolvimus
1. i. loc. cit. potest opponi 1. textus in can.
7. n. 12. concilii Maiscon. 2. in illis verbis: Nullus clericus de qualibet causa extra discussionem Episcopi sui, à seculari judice injuriam patiatur, aut custodiæ deputetur; quod si quicunque Jūdex, cuiuscunque conditionis *absque causa criminali*, id est, homicidio, furto, aut maleficio, hoc facere præsumpsit, quandiu Episcopo loci illius visum fuerit, Ecclesia liminibus arceatur. Ex quibus expressè constat de causa furti licete jūdici

105.

dici seculari inter Clericos cognoscere.

*106. Secundò textus in canone 6. Concilii Parisiensis 5. sub Clotario II. celebrati, in illis verbis: Ut nullus judicum de quolibet ordine clericos de civilibus causis, *praeter criminalia negotia* per se distingere, aut damnare præsumat, nisi convincatur manifestus. Tertiò, canon. 4. in Concilio Turracensis à Gratiano, relatus in cap. *nullus 15. q. 4.* in illis verbis: Ut nullus Episcoporum, Presbyterorum, vel Clericorum die Dominico propositum cuiuscunquè causa negotiorum audeat judicare, *nisi hoc tantam*; ut Deo statuta solemnia peragant; ceteris vero diebus convenientibus personis, illa, quæ justa sunt, habeant licentiam judicandi, *exceptis criminalibus negotiis*. Ex quibus ultimis verbis deduci videtur, Episcopum posse judicare omnibus diebus, excepto Dominico; & de omnibus causis *exceptis criminalibus*: ergo de crimine cuiuscunquè Clerici non potest judicare.

*107. Sed hæc non obstant. Hinc not. primis Ecclesiæ temporibus, in defectu Judicium Ecclesiasticorum, callentium leges civiles, qui pro delictis secularibus constituerant certas poenas; & immunitate Ecclesiasticâ non satis tunc expositâ, ut notavimus à n. 102. factum esse; ut tunc *de consensu Episcoporum*, de delictis secularibus Clericorum Judices seculares cognoscerent, punirent, & judicarent; quamvis, ut notavi, hoc non fieret jure proprio Laicorum, & absque Episcopi consensu. Hinc expressè Gelasius Pontifex, ut habetur c. *Clericum*, 11. q. 1. *Clericum*, inquit, *cujuslibet ordinis, absque Pontificis sui permisso, nullus præsumat ad secularem judicem attrahere*, quo posito Resp. ad n. 105. à P.P. Concil. Matiscon. in dict. can. 7. nihil aliud intendi, quam, *Episcopi permisso, protunc*, in ea Provincia portuisse furtum; aut simile delictum seculare à Judice seculari cognosci, & puniri, *salvis tamen semper, & custoditis in omnibus privilegiis eorum*, juxta dicta n. 102. Et juxta hanc respondionem etiam accipiens est canon. 11. Concilii Epaunens. in illis verbis: *Clerici*, sine ordinatione Episcopi sui adire, vel interpellare publicum judicatum non præsumant; sed eti pulsat fuerint, *sequi ad seculare judicium non morentur*. Nam

hoc pro tunc fiebat in ea Provincia *de affectu ordinarii* ex causa in jam præmissis redita, *nunc vero*, ubi tot Ecclesiæ Sanctonibus, & claris iuribus prohibitum est Judicibus, & Magistris Laicis, de causis Clericorum criminalibus cognoscere, nequæ consentiente Episcopo tacite, aut expressè Clericus potest super illa causa criminali coram Judice conveniri.

Ad CC. Parisiense in n. 106. respondet Gonzalez in c. 8. h. t. n. 14. ea verba (*praeter criminalia negotia*) transcripta cfr ex supra cit. Novella 83. Justiniani; quæ, cum non recte percalluit Clotarius, generaliter usurpavit, & in suis Capitularibus transcriptis; & ideo postea à Carolo, & Pipino, juxta veram Ecclesiasticam disciplinam statutum, *de quocunque criminis & Clericis perpetrato, Episcopos, non verè Judices seculares, cognoscere debere*. Ceterum verba Clotarii eandem responsionem habent, quam n. 102. deditus ad verba Justiniani, Ad 3. Resp. illa verba, *exceptis criminalibus*, referri solùm ad cognitionem causæ, non qualemcumque, quæ nimis præcedit degradationem, sed eam solùm, quæ procedat ad sententiam criminalem, dictando pœnam sanguinis, præscriptam criminis lege seculari; quia tunc potius Clericum degradatum debet Judici seculari tradere, juxta tradita in cap. *cum non ab homine*, hoc titul. quia Judex Ecclesiasticus non debet sententiam sanguinis proferre, ut dicemus in cap. *sententiam*, ne Clerici, vel Monachi.

Questio ulterior est, 1. an Clericus in criminalibus possit reconveniri coram Judice seculati *criminaliter*, seu ad vindictam publicam intentatis? Respondet Sanchez l. 6. consilior. moral. c. 1. d. 1. n. 5. certum esse, non posse; ratio sumitur ex dictis à n. 95. sic enim conveniretur coram Judice non suo: in causis autem, quæ solùm intentantur civiliter, posse affirmant aliqui cum gloss. in c. *at si Clerici, &c.* Multi. 2. q. 1. V. *seculari*; sed contrarium verius est de jure communi, & secluso assensu Episcopi; cum Clerici (ut ostensum est supra) tam in personis, quam rebus suis omnino exempti sint à jurisdictione laicorum, extra s. casus quos enuntiat Sanchez cit. à. n. 5. ex quibus primus est, si reconveniantur coram Judice seculari in causis solùm civilibus; sed hoc, secluso

secluso assensu Episcopi , jam negavimus ;
2. in causa merè temporali , cum auctoritate Episcopi ; 3. quando propter delictum deponitur , & traditur seculari potestati . 4. ratione feudi . 5. quando est incorrigibilis .

109.

Quæstio est 2. an Judex secularis possit capere Clericum ? respondet Sanchez cit. n. 11. quod non , nisi in flagranti delicto , ut ipsum tradat Judici Ecclesiastico : quod , si seculis faciat , sacrilegium mortale committit , & incurrit excommunicationem ; conclusio hæc est omnium ita ille . Nec in hoc quidquam valet consuetudo Laicorum , etiam antiquissima ; si enim nulla lex secularis prævalere potest adversus immunitatem Ecclesiasticam , & statuta canonum ; nec id poterit consuetudo secularium ; consuetudo enim pro lege recipitur , & est altera lex , & similem legi originem , ac obligationem habet : at nulla lex secularis prævalere potest contra statuta canonum , & immunitatem Ecclesiasticam ; primo , quia talis consuetudo constanter reprobatur ab Ecclesia , consequenter semper est irrationalis ; adeoque nunquam pervenire potest ad statum , quo possit esse materia legis , sine qua non potest abrogare legem , aut canonem contrarium . 2. quia id utroque iure reprobatur , ut probavimus 1. 1. tit. 4. & constat ex dictis hic ergo .

110.

Quæstio est 3. an Clericus à Judice seculari citatus , teneatur comparere coram eo ad allegandum fori privilegium ? Resp. negativè , modò appareat ipsum esse Clericum ; ita Julius Clarus in practic. criminal. l. 5. q. 2. f. 36. Gloss. in c. Convenior. 23. q. 3. V. vel congrueret ; & c. nullus Episcopus 11. q. 1. V. exhibetur ; id , quod etiam tradit Perez l. 1. Ordin. tit. 3. l. & alii ; ratio est ab exemptione Clericorum à foro seculari . Et ideo processus factus à Judice seculari , etiam ignoranter , contra Clericum nihil valet . Ratio , quia remotâ jurisdictione judicis nullius sunt valoris ab eo gesta , c. ex literis . §. fin. de offic. deleg . Ita speculator , quem refert , & sequitur Perez , ibid .

111.

Quæstio est 4. an Judex laicus capiens Clericum in flagranti maleficio teneatur illum statim remittere ad Judicem Ecclesiasticum , absquè illa cause cognitione ? Resp. quod sic , si notorium sit esse Cleri-

Tom. II.

cum , gaudentem privilegio fori ; quia sic notorium est , jurisdictionem Judicis Lai- ci in Clericum , remotum , seu nullam esse , & constat aperte ex c. si Judex mox citando , ibi : si notorium fuerit , quod idem malefactor sit Clericus , qui hujusmodi privilegio gaudere debeat , statim absque alia cognitione , velfama publica , de hoc exsiste- rit , aut ipse pro Clerico communiter habe- batur : in continenti , etiam ante cognitio- nem de clericatu , Ecclesiastica curia debet tradi .

Sed , si nec notorium est , esse Clericum ; nec in Clericali habitu inventus est , non te- teneri ipsum remittere , donec probet se Cle- ricum esse , ac gaudere privilegio fori , te- nent Navarr. in manuali . c. 25. n. 24. Sylv. V. judex , 1. q. 2. dicto 5. Tabien. verb. judicare , n. 14. Armilla. verb. judex , n. 20. D. Anton. 3. p. tit. 9. c. 2. §. 4. Sed ad hoc re- solvendum , juvat c. si judex 12. de sentent. excommunic. in 6. ubi Bonifacius VIII. si Judex laicus , inquit , malefactorem captum detineat , & is se Clericum dicens , ad curiam Ecclesiasticam petat remitti , vel curia ipsa eum , tanquam suum Clericum repetat , Judice illum inserviente Clericum , ac ob hoc minimè remittendum : dubitationis hujus- modi , an felicit sit , qui reperitur Clericus , ad Judicem Ecclesiasticum (quia de re Eccle- siastica , & spirituali , vocato tamen Judice seculari , vel alio , cuius interest) cognitio pertinebit . Ex hoc textu sequitur , ubi dubiu- um vertitur , an quis sit Clericus , & gaudeat fori privilegio : veritatem examinare non pertinere ad Judicem secularis , sed Ecclesiasticum ; quia de re Spirituali , vel Eccle- siastica agitur dicto c. si judex , ita Covar. q. pract. c. 33. n. 1. dicens esse omnium , & ci- tans plures Paz praet. tom. prælud. 2. n. 9. Ta- bien. D. Ant. Supta. Sylv. V. judex . 1. q. 6. in fine . Addunt hi Doctores , dempto Covarr. & Paz , vocandum etiam esse Judicem se- cularem , vel alium cuius interest , ut habe- tur dicto c. si judex . Addit. Covarr. judi- ces Ecclesiasticos , non secularis deberet judicare , an Clerici juxta canonicas sanctiones fori privilegium amiserint ? ex eo , quod tonsuram , & vestes Cle- ricales dimiserint , idem tenet Paz ibi :

Nec obstat , contrarium fieri lege re- 112
giæ in Lusitania , Gallia , & Hispania , ut quidam volunt apud Barbos in cit. c.

E

si Ju-

Si Judex n. 3. ac idem teneri à nonnullis aliis ibid. relatis, ex eo comprobantibus, quia hujusmodi quæstio est facti, & in facto consistit, cuius cognitione ab omnis juris spiritualis cognitione remota est, & consequenter cessat reg. c. 2. de judic. Unde recepta est consuetudo, judicem laicum de his questionibus facti, circa Ecclesiastica, seu spiritualia negotia, posse cognoscere, veluti, si circa filiorum legitimatem dubium sit, non de viribus matrimonii, sed an de facto matrimonium fuerit contrarium? & in multis aliis similibus. Non, inquam, haec obstant. Nam ad contrariam observantiam, si verum est, quod addit, in regnis adductis, respondet Barbos. cit. id fortasse tribuendum alicui speciali Summi Pont. privilegio, vel consuetudini immemorabili, quam in hoc proposito tribuere posse jurisdictionem laico judici contra reg. cap. Clerici, de judic. super criminibus Clericorum in minoribus, multis latè adductis comprobat D. Barbos. in d. l. Titia n. 32. Ad alterum ex ratione desumptum Resp. præsentem quæstionem non esse puri facti, sed involventis questionem juris, an gaudeat privilegio fori? cuius cognitione non est fori secularis.

Deducitur 2. pendente lite super Clericatu, & immunitate Clerici apud Judicem secularis detenti, hunc debere supersedere à cognitione super delicto, & aliis, donec Ecclesiasticus cognoscat super Clericatu; ita Paz cit. alias enim procederet dubius de jure sibi competente, ac exerceret actum jurisdictionis, de cuius usu sibi concessu suspensus est, neutram oppositorum partem prudenter amplecti valente intellectu; & constat ex textu infra n. 115. referendo; an autem pendente illa lите reddi debeat Judici Ecclesiastico? negat. Paz cit. apud Sanchez n. 17. in fine: videtur tamen probabilius, quod sic. Nam, cum cognitionem causæ super Clericatu, & competente fori privilegio, Judex Laius debeat remittere ad Ecclesiasticum, & sit contra reverentiam status Ecclesiastici cognitionem causæ Ecclesiasticis debitam talem Judicem exercere in foro seculari, ac non suo, recte sequitur, saltem ad hunc actum in tribunalii Ecclesiastico à seculari Judice sistendum est.

Quæstio est 5. quid dicendum, si Reus ipse, ante deprehensionem, pro laico publicè se non gerens, deprehensus fuit in habitu Clericali, tonsuram videlicet & vestes deferens clericales? respondet Bonifacius VIII. c. *Si Judex*: *idem censemus* (quod scilicet, *si notoriū sit*) *nam talem debemus Clericum* (donec constet de contrario) *reputare*; *sicut de illo, qui in possessione in genuitatis existit: si dicatur ab alio libertinus, legalis sanxit auctoritas, ut probandi necessitate non ipse, sed adversarius adstringatur.* *Iustum est enim, ut ipse talis, quem gestat ex habitu (quotusque apparcat aliud) præsumatur, qualis is esse, cuius fert habitum, comprobatur.* Ex stigmate namque, consueto Fabricensibus imprimi, latitans Fabricensis agnoscitur. Et custodes aquarum (quos hydrophylacas nominant) quæ eis infigi solet annotatione signati manifesti sunt omnibus, & angariatum nomine non tenetur. *Isquæ status alicius esse videtur, in quo ipse deprehenditur, donec contrarium doceatur.* Subjungit autem statim Pontifex: *non sic autem volumus observari, si ante deprehensionem pro laico publicè se gerebat, ac pro tale communiter habebatur, quamvis deprehensionis tempore repertus fuerit in habitu clericali: tunc enim restituendus non est, quo usque fidem de titulo fecerit clericalis, cuius eidem probationis onus incumbat, propter præsumptionem, que adversus ipsum orta est ex declaratione laicalis habitus præcedenti.* *Contra eum tamen interim quivis processus Judicis penitus conquiscat.*

Præter hæc not. 1. in casu, quo Clericus ob maleficium captus à seculari Judice, remitti debet ad Judicem Ecclesiasticum, id fieri debere, Clerico etiam invito, & contradicente; sic Carolus de Graffis, de effectibus Cleric. effectu i. n. 329. Clericus enim cessione juris ex privilegio fori, utpote jure nullæ, non potest præjudicare Judici suo. Not. 2. quamvis Clericatus non probetur ex eo, quod quis incedat in habitu, & tonsura, nisi doceat de titulo, ut per Macard. de probat. conclus. 302. præsumi tamen, dum constet contrarium, ex textu c. *Si Judex*, relato num. 111. Unde quando Barbos. in dict. c. *Si Judex* num. 10.

cum

Eum aliis ait : Clericatus qualitatem non præsumi; & dicentem, se Clericum probare debere, ex Menochio de præsumpt. l. 6. præsumpt. 76. n. 1. intelligendum est ; si deprehendatur sine habitu, & ante deprehensionem se publicè tanquam laicum ges- sit, ut dicitur in textu, de quo n. 115.

Not. 3. Clericatum probari per famam, vel communem existimationem, ut per Flamin. Patif. de resignat. benefic. lib. 4.q. 2. n. 70. & lib. 10. q. 3. num. 34. Mart. de jurisd. p. 2. c. 31. num. 7. Nicol. Gar. c. de benef. p. 7. c. 1. num. 140. item per literas Episcopi, attestantis se contulisse ordines illi, qui se Clericum asserit, ut per Mascard. concl. 305. Flamin. Paris. de resignat. benefic. lib. 10. quæst. 3. num. 30; & juxta gloss. in c. si *Judex*, per testes. Nam deficit, seu deperdito ordinationis instrumen- to, Clericatus potest per testes, saltem duos probari, ut docent Covarr. pract. c. 33. n. 3. Salzedo in pract. c. 62. à n. 16. Mascard. concl. 303. n. 6. quod extendit etiam ad testes singulares Farinac, in praxi criminali p. 2. q. 64. n. 281. & sufficere unum tantum, si non agatur de alicujus præjudicio, ut docent Rebuff. in tract. no- minat. q. 22. n. 14. Zerolin in praxi Episcop. p. 1. verbâ *Bulla*, versl. ad tertium, si deponant vidisse Clericum celebrantem; & quod communiter, & publicè pro Clerico habebatur, Mascard. d. concl. 203. n. 1. & 2. & alii.

§. V.

*Quas causas cognoscere ac judicare possit
Judeus Ecclesiasticus?*

115. **R**esp. causas civiles, & temporales ad Magistratum secularē spectantes, directē, ac ordinariē non posse cognosci à Judice Ecclesiastico, etiam Papa c. *novit.* 13. de *Judic.* Colligitur etiam ex c. *licet* 10. & c. *ex tenore* 11. de foro compet. in quo casus iste continetur : Rex Franciæ, & Rex Angliæ super quadam discordia, quam inter se habebant occasione feudi super comitatu Pictaviæ, composuerunt ad invicem, & compositio illa fuit hinc inde juramento firmata : tandem Rex Franciæ, non obstante juramento, venit contra illam compositionem occupando dictum comitatum : Rex Angliæ sape monuit il-

Zem. II.

lum, ut compositionem servaret, & pacta inita inter eos; sed cum ille desistere nollet, Rex Angliæ denuntiavit hoc Ecclesiæ : unde dominus Papa, intellectâ denuntiatione illâ, quia ille veniebat contra pacem, & pacis foedera juramento firmata, cum ad ipsum pertineat corrigere de peccato quemlibet Christianum, sicut D. Papa prælati Franciæ, & primò inducit contra eum illam auctoritatem Evangelii : nec tamen propterea in hoc derogare vult in aliquo jurisdictioni illius, nec intendit judicare de feudo, sed decernere de peccato illius, cuius censura ad ipsum spectat : nisi per privilegium, vel contrariam consuetudinem juri communi sit detractum. Tandem ostendit, quod ipse non debet sibi injuriam reputare, exemplo Valentiniiani, & aliorum Imperatorum, ostendendo, quod ad ipsum pertinet corrigere quemlibet de peccato, & pacis foedera reformatæ ; unde committit causam istam cuidam Abbatii, qui de plano de querimonia illa cognoscat, quod si Rex Franciæ humiliter non acquieverit, præcepit cuidam legato, quod ipse procedat in negotio secundum formam sibi traditam.

Ex hoc deducitur 1. ipsum summum Pontificem agnoscere, non tribuit Ecclesiæ jus, directè judicandi causas merè temporales ; ut ipse protestatur statim in principio dicti c. *Novit.* ibi : novit ille, qui nihil ignorat: & infra. Non putet aliquis, quod jurisdictionem illustris Regis Francorum perturbare, aut minuere intenda- mus ; cum ipse jurisdictionem nostram nec velit, nec debeat impedire. Nam potestas Ecclesiastica, & secularis, diversæ sunt; quare una alteram impedire non debet, ita, ut nec secularis se immisceat negotiis Ecclesiasticis; nec Ecclesiasticus Judeus immisceat se negotiis secularibus aliorum regnum.

Et ideo etiam, ut habetur in c. *licet* 10. de foro compet. rescriptum à Laico contra laicum, in causa non Ecclesiastica, im- petratum à Papa, est ipso jure irritum. Ra- tionem dat Innocentius hic, quia in causis temporalibus Christianorum, Papa juris- dictionem non habet, nisi temporali sue jurisdictioni subjecti sint; excipe, nisi Ju- dex secularis partes gravet, vel justitiam eis administrare nolit, tum ad Episcopum, vel Papam recurri potest; id vero (uti in

textu.

E 2

textu indicatur) dicitur propter consuetudinem, quæ eo loco, & tempore vixit; alioquin verò, spectato communi jure, si Judex secularis inferior aliquem gravet, vel justitiae administrationem neget, ad Superiorum ipsius, videlicet Imperatorem, vel Regem ejus querela deferri debet, uti hic tradit Innocentius. n. 1. Imola n. 10. Sed tum demum ad Judicem Ecclesiasticum deveniendum est in causa temporali, si nullus Judex secularis reperiatur, qui justitiam administret, uti hic notavit Abb. n. 9. & consentit c. se duobus. 7. & denique, de appellat.

Idem dicitur in c. ex senore. 11. de foro compet. Cūm enim Vidua quædam litem haberet cum aliquo super hæreditate sibi debitâ, eam Papa quibusdam Judicibus Ecclesiasticis delegaverat; sed Comes de Britania, sub cuius jurisdictione temporali contendentes partes erant, volebat, ut controversia in suo tribunali definiatur, promittens, se justitiam plenè administratum: at cūm Judices delegati acquiescerent nollent, Comes quæstus est Innocentio III. qui respondit: viduis se ita patrociniam debere, ut tamen aliis iustitiam non irroget; ideo mandat, ut, si caula, de qua agitur, Ecclesiastica non sit, eā superfedatur; quod si verò Vidua iustitiam obtinere non possit apud Judicem secularis, tum ipsi causam decidere aggrediantur.

118. Deducitur 2. licet causa dotis, & alimentorum ad Judicem tantum secularis pertineat, si per se, ac principaliter tractetur in judicio; quia sic est causa mērē profana; sin autem ortā controversiā circa matrimonium, per accidens interveniat quæstio de dote, eandem una cum causa matrimonii à Judice Ecclesiastico tractari posse. Deducitur 3. Laicum ratione peccati subjici foro Ecclesiastico, sive commissi, sive evitandi, id, quod procedit etiam, si agatur de violatione pacis juratae, ut aperte constat ex casu in c. Novit. supr. & tenet eum communi. Barbosa ibid. n. 6. ac in casu, quo Papæ peccatum alterius denuntiatur judicialiter; Pirhing. de Judic. n. 66. ex universali regula, quod Prælati Ecclesiastici sit, per viam denuntiationis Evangelicæ de quolibet peccato mortali subditos corrigere; & si opus sit ad emendationem per censuras compellere.

119. Ex eadem causa Papa cognoscere potest

de causis feudalibus, sed indirecte solùm, nimirum ratione peccati. Nam in quæstionibus, quæ circa feuda Principum secularium oriuntur, Papa se non immiscet; cūm talis cognitio pertineat, spectato communi jure, ad dominum feudi, vel ad pates Curiae, uti supra dixi in c. ceterum. Dixi: communi jure; quia per privilegium aliter constitui potest, ut quæstiones de feudo ab aliis decidi debeant, fortè enim inquit Innocentius hic n. 5. Rex Angliæ Johannes habebat privilegium à Ludovico Rege Galliæ, ut in quæstionibus ortis super feudo comitatus Pictaviæ, non ad ipsum Galliæ Regem, tanquam feudi Dominum, aut Regni proceres judicium spectaret; sed communi partium consensu Judices, aut arbitri statuerentur.

Præter hæc quæres 1. an Clerici, seu **120.** Ecclesiastici possint esse Judices in politi- cis, & secularibus ex delegatione Principis Laici? Resp. posse per c. inter dilectos. 6. §. secundo per instrumentum, de fide instrum. intellige, in causis civilibus; cūm in iisdem etiam possint esse Judices ordina- rii, ut patet ex textu in cit. §. ibi: secundo per instrumentum sententiae Aperti, quon- dam Mediolan. Archiepiscopi, quam ex delegatione Ludovici Imperatoris tulit, super his pro Monasterio, contra A. prefatis Luithardi nepotem, qui super his Monaste- rium molestabat.

Quæres 2. an aliquis possit esse judex in **121.** causa propriæ? Resp. id posse Principem, seu Iudicem, qui superiorum non habet per L. 41. ff. de hæreditibus instit. juncta gloss. marginal. Nec obstat ad Iudicium requiri tres personas, Iudicem, Actorem, & Reum; nam hoc est juris tantum positi- vi, non ex natura rei; & confirmari potest ex c. 2. de in integrum restitut. Q. Nos igitur: ubi Pontifex in causa controversæ exemptionis ab ordinario, negligentia Procuratoris, non allegata, ex quo præjudicium sedis Apostolicæ nascebat, adeo- que etiam in causa propria, sententiam de- finitiyam tulit.

Dixi Iudicem, qui Superiorum non ha- bet; nam inferior in causa propria Iudex esse non potest. L. unica, C. ne quis in sua causa; & c. inter querelas, 23. q. 4. ubi Gregorius scribit Ianuario Episcopo, &, inter querelas, ait, multiplices, Isidorus vie- clarissimus à fraternitate tua se frustra ex- com:

communicatum; anathematizatum quæ conquestus; Quod, ob quam rem factum fuerit, dum à Clerico tuo, qui præsens erat, voluistemus addiscere, pro nulla alia causa, nisi pro eo, quod te injuria verat, factum innuit. Quæ res nos vehementer affigit: quod, si ita est, nihil te ostendis de cælestibus cogitare, sed terrenam te conversationem habere, significas: dum pro vindicta propriae injurie (quod sacris regulis prohibetur) maledictionem anathematis invexisti. Vnde de cætero omnino esto circumspectus, atque sollicitus, & talia cuiquam pro defensione propriæ injuria tue inferre denuò non præsumas. Nam si tale aliquid feceris, in te scias postea vindicandum.

122. Ab hac tamen regula (quod inferior non possit esse *Judex in causa propria*) excipe. 1. nisi tali Iudici facta sit injuria, quæ sit notoria; quia tunc cessat causa suspicionis, & Iudex potius est executor poenæ, vel juris; Abb. c. *in genesi* de Elect. n. 8. intellige, si sit Iudex ordinarius: & *injuria sit facta officio*, & poena ad vindictam publicam; non autem, si sit arbitraria, vel applicanda parti; Gail. l. 1. observ. 39. nam quoad hoc potest esse suspicio excessus in puniendo; præsertim, si pars læsa propinqua sit illi. Excipe 2. nisi alicubi consuetudo sit recepta, quod Episcopi in causis ad ipsos spectantibus dare soleant Iudices non suspectos parti. Nam consuetudo legitima dat Iurisdictionem; Felin. in c. *cum venissent*. 7. de Iudic. n. 7. quibus positis:

123. Dubium 1. an Iudex Ecclesiasticus possit esse Iudex in causa sua Ecclesiæ? Resp. si causa Ecclesiæ directè, & principaliter spectet ipsius Judicis tantum personam, non posse. c. *inter 23. q. 4.* junct. gloss. fin. ubi Gregorius scribit Ianuario Episcopo, reprehendens eum, quod, ob injuriam proprie personæ, quendam excommunicaverit: Resp. 2. si causa Ecclesiæ directè spectet ad mensam Prælati non posse; sic enim censetur esse causa propria, ut dicitur c. *biduum*. 2. si quis ipsius. 2. q. 6. textus habet: si quis ipsius quidem, à quo appellavit, adeundi facultatem non habuerit, ut secundò ei libellos daret, ejus autem, quem appellavit, habeat copiam, vendendum est, ut ei præscribi possit, quod eum non adierit. Et hoc jure utimur, ut

si alterius adeundi fuerit copia, præscriptio locum habeat: *in propria causa biduum accipitur*. Propriam causam ab aliena quemadmodum discernimus? Et palam est, *cum propriam esse causam, cuius eminētum, vel damnum ad aliquem suo nomine pertinet*. Ex hoc deducit Pithing, de Judic. n. 76. eum nec posse incidenter judicare, propter eandem, quæ in prioribus, rationem: potest tamen judicare *in causa sua Ecclesiæ*, quando causa directè, & principaliter respicit ipsam Ecclesiæ. gloss. in c. 1. de penit. in 6. V. *punire*; ubi tamen nota, illum à parte posse recusari, ut Judicem suspectum, propter conjunctionem, quam Prælatus habet cum sua Ecclesia. arg. c. *insinuante 25.* de offic. Jud. delegat. sic litigans cum Canonico potest recusare Canonicum ejusdem Ecclesiæ, tanquam Judicem suspectum, propter præsumptionem affectus singularis erga suum Confratrem c. *cum Raphaël 10.* eod. Si tamen Episcopus, judicans in causa sua Ecclesiæ, non recusetur à parte, sententia ab eo lata valet; quia licet ejus jurisdictione per exceptionem elidi possit, tenet tamen, si non elidatur. Abb. c. *in Genesi* de Elect. n. ult. Et hoc verum est, licet alias regulariter nemo possit esse *Judex*, vel arbiter in propria causa, ne quidem Adversario consentiente; & sententia, vel arbitrium tali casu invalidum sit. L. *penult.* ff. de recept. arbitri. junct. gloss. V. *imperrare*. Decius c. *cum venissent* de Iudic. n. ult. Porro quæ diximus de Episcopo judicante in causa sua Ecclesiæ, intellige, si procedat judicialiter. Nam extrajudicialiter potest ad defensionem suorum iurium, vel Ecclesiæ hinc infligere censuras, modò bona fide sit in eorum possessione, arg. c. *dilecto. c. Venerabilibus V. attamen.* De excom. in 6.

124. Dubium 2. est an Iudex Ecclesiasticus possit judicare de sua iurisdictione? ut, si contingat dubitari, an causa, ad ipsum delata, sit sub ejus foro? idem est de Iudice Laico: Resp. quod sic; sed cum limitazione, ex L. 2. ff. si quis in jus vocatus; & L. si quis ex alieno, de Iudiciis; & colligitur ex c. *Pastoralis*. 14. de rescript. ubi dicitur: si duo rescripta super eadem causa ad diversos Iudices à sede Apostolica pervenerint, & dubitetur, an prius per posterius revocetur? tum, si una pars Judicium de-

E 3 legat

legatorum alteri deferre velit, ut cognoscatur, ad quos Iurisdictio pertineat? illi soli, quibus desertur, hoc dubium, dirimant, antequam de causa principali cognoscatur. Quod si neutra pars Iudicium alteri deferre velit, tunc simul utriquè, inspectis rescriptis, eorumque datis, definiant, utri parti potius Iurisdictio competere beat? Quod si inter se non consentiant, hoc casu (tametsi plures sint Judices ex una parte delegati, quam ex altera parte) communia partium litigantium consensu arbitri elegendi sunt, qui controversiam hanc definiant, videlicet, ad prioresne, an ad posteriores Judices cognitione pertineat?

Ex hoc enim datur, quod si Iudex Ordinarius, aut delegatus, orto dubio de jurisdictione sua in certa causa, bona fide, ac probabiliter pronuntiet, se competentem; atque à sententia hac interlocutoria non appelletur, processus, & sententia in causa principali valbit; esto postea competenter, ab initio verè competentem non fuisse: constat ex citatis juribus; quod tamen accipe, quando dubium censetur circa jurisdictionem; nam quando est circa ipsam personam (ut si ei objiciatur, quod sit excommunicatus, infamis, amens, suspectus) inhabilis est ad judicandum super his defectibus, Gail. l. 1. observ. 34. n. 6. quæ limitatio etiam adhiberi debet, si judicer de jurisdictione (rationabiliter dubia) insuum commodum. L. de Jure. ff. ad municipales. Unde quando dicitur: *nemo in propria causa Iudex esse debet*, intellige, si directè fiat in propriam utilitatem, & commodum judicantis; non autem, ut fungi possit ordinario, & publico officio suo. Nam Prætoris est judicare, an sua sit jurisdictione? gloss. in L. quis. cit. V. estimare.

Not. præterea, quod si Iudex Ordinarius, aut delegatus, orto dubio de jurisdictione sua in certa causa, bona fide, ac probabiliter pronuntiet, se competentem; atque à sententia hac interlocutoria non appelletur, processus, & sententia in causa principali valebit; esto postea competenter, ab initio verè competentem non fuisse, quia haec est mens ac voluntas committentis jurisdictionem, ut orto dubio (num Iudex in causa aliqua cognoscere possit?) ad ipsum pertineat determinare, & secundum id procedere. Verum hoc intelligi-

ge, ut non procedat, si Iudicis jurisdictione fundata non sit, seu, quod idem est, si ejus jurisdictione fundari non possit per pronuntiationem dicentis, se competentem esse. Iudex enim in causa principali procedere nunquam potest, nisi certus sit de jurisdictione sua; cum nequè Tutor administrare possit, nisi certus sit, se Tutorem esse per L. Quero. 3. ff. de eo qui pro Tute.

Duobus autem modis contingit, jurisdictionem Iudicis fundari non posse 1. si ex parte rescripti, seu prætensiæ commissionis sit nullitas; 2. si commissio facta sit à Superiore in causa ad ipsum non pertinente per L. 2. C. si à Iudice non competente; quo casu, licet juxta Baldum in cit. L. 2. n. 2. delegatus pronuntiare possit, se in causa delegata competentem esse; si tamen non re ipsa suberat foro delegantis, acta Iudicis delegati nulla, & irrita erunt. Hinc si Princeps laicus, seu secularis causam, quæ verè Ecclesiastica, & extra suum forum est, committat cognoscendam alteri; idquè ob auctoritatem committentis, aliæ rationes pronuntiet, competentem se esse, poterit quidem, si bona fide procedat, excusari à culpa; sed acta ejus irrita erunt, ob jurisdictionis defectum; quippe quam error, quantumvis probabilis, conferre non potest, si commissio non facta ab habente potestem, prout docere solent Doctores in L. Barbarius, ff. de Off. Prætor.

Dubium 3. est, an Iudex secularis cognoscere, ac judicare possit, se competentem esse, saltem efficaciter (nimurum sic, ut ejus jurisdictione per tales pronuntiationem fundamentum, & vires acquirat) si in causa procedere volenti pars objiciat, quod si Ecclesiastica, ad ipsius proinde cognitionem, & jurisdictionem non pertinens; aut si citatus ad Iudicem secularem, excipiat se clericum esse, jurisdictioni in hac causa non subjectum, stante dubio de exceptione ista? Resp. quod non; nam ut doceat Glossa in c. si Iudex 12. de sentent. excom. in 6. quod de re Ecclesiastica, & spirituali, nec principaliter, nec incidenter habet secularis Iudex se intromittere; juxta c. Tham 3. de ord. cognitionum c. lator. 5. c. per venerabilem 13. qui filii sint legitimi: sed ut ait Gloss. marg. ibi Felin, hic n. 4. in dubio isto Ecclesiasticus est Iudex, tanquam major; & Decius in c. cum ordinem.

Dubium

127. Dubium 4. est, an idem Judex esse debeat, qui cognoscat de causa possessionis, & proprietatis? Resp. de hoc agi L. nulli. 10. C. de Judic. & c. *Pastoralis* 1. de caus. posses. & propriet. Cùm enim Felix Siculus conquestus esset S. Gregorio Pontifici, quòd actores Ecclesiarum Syracusanarum possessiones ejus injustè occuparint, & petiissent, se restitui: Gregorius respondit, judices à partibus eligendos esse, qui de utraque tum momenti, seu possessionis, tum proprietatis causa cognoscant, cùm ita Cæsareis legibus definitum sit, & se, parte alterâ inauditâ, judicare haud posse. Ita habetur in l. 7. registri epistolarum indict. 2. epist. 100. ad Felicem, & epist. 101. ad Joann. Syracusanum Episc. Excipe tamen, ut non procedat, nisi actor, & reus sint eisdem fori. c. *Significaverunt*. fin. de judic. & Abb. huc n. 15. ubi habetur: si actor, & reus diversi fori sint, agentem in possessorio coram Judice Rei, non teneri coram eodem Judice respondere super proprietate; sed debere conveniri coram Judice suo; sic gloss. recept. in cit. c. fin. V. *Proprietate*. Quamvis autem Bartolus in cit. L. nulli, n. 2. dicit, quòd finito judicio possessio, si causa proprietatis agitanda sit, ad eundem Judicem deferri debeat (quippe qui causam totam citius expediet, cùm in ea jam instructus sit) Resp. tamen omnino sic faciendum, & jurandum, si fieri possit; quia tamen interdum necessitas cogit causam dividere, non enim propter commodum illyd accidentale, quia prior Judex melius instructus censetur, majus aliquod incommodum admitti debet; ut videlicet aliquis ad forum alienum trahatur; præsertim Clericus ad forum seculare contra Ecclesiasticam immunitatem, ideo hanc limitationem dictæ legi decimæ adhibet etiam ipse Bartolus L. *Incommodati*, q. *duabus*, ff. *Commodati*.

ARTICULUS V.

De actis judicij.

128. **A**cta, eti quondam sumuntur pro loco, in quo residet Judex instructus de causa recognoscens, ubi acta deteguntur, ut quilibet factum suum audiat, aut videat, & suum consequatur meritum: qui locus aliter etiam *jus appellatur*, L. pen. q. ff.

fin. ff. de just. jur. tamen acta simpliciter sunt publicæ scripturæ negotiorum, quæ in judicio aguntur, continentes ordinem eorum, modum, & figuram; vel etiam sunt processus, sive gesta curiæ; gloss. in L. *acta, ff. de re judic, & c. quoniam contra* i. de probat. Cæterum acta hoc loco dicuntur, quæ sunt coram Judice, aut alio habente Notionem, seu jurisdictionem aliquam, sive fiant in figura judicij, sive absque illa, dummodo pertineant ad illius jurisdictionem, sive voluntariam, sive contentiolam, acta porro sunt multiplicis divisionis; quædam enim sunt *judicialia*, quòd fiant in judicio, etiamsi ante litis contestationem; quia quædam judicij acta dicuntur *preparatoria*, & incipiunt à citatione; alia dicuntur *discussoria*; alia denique *causa decisoria*: quædam *non judicialia*, quæ sunt coram Judice exercente jurisdictionem voluntariam, ut sunt Emancipationes, Donationum insinuationes, minorum alienationes, requirentes decreta Judicis, &c. Alia sunt *judicij ordinatoria*, ut est libelli oblatio, citatio, litis contestatio, juramentum Calumniæ, datum terminus probationum, &c. alia sunt *acta causa instructoria* pro litis decisione, ut sunt attestations, instrumenta, confessiones usquæ ad sententiam, his præmissis?

129.

Quæstiō est. i. an acta requirant scripturam? Resp. quamvis etiam acta *non judicialia* plerumque redigantur in scripturam, non esse tamen de illorum substantia; secūs est, de *judicariis*, ex c. *quoniam*, i. de probation. ubi Innocentius III. in CC. Generali statuit, ut tum *in judicio ordinario*, seu delegato, judex tabellionem adhibeat, si id fieri possit, vel duos idoneos vitos, qui universa acta judicij, videlicet citationes, dilatationes, recusationes, exceptiones, petitiones, responsiones, & interrogatioes, confessiones, testium depositiones, instrumentorum productiones, interlocutiones, appellations, renuntiationes, concursiones, & cætera, quæ occurrerint fideliter, & competente ordine conscribant, designantes loca, tempora, & personas; quæ acta, ita conscripta, partibus tribuantur, Originali penes scriptores remanente; ut super processu judicis controversia oriatur, per acta legitimè consignata terminari queat;